

Rinanoan kanoan te reirei

Te reirei

- 1. E reireinira te bwai ni kabane aika ti riai n atai n te aro bwa tin a kona ni karaoa ae tangiria te Atua**
- 2. Ti riai n tou mwin ana taeka Kristo n te Nutetemanti ao n aki ikotia ma te tua n te Otetemanti**

Rerei 3 - Ongotaeka

Itaia 55:8-9

8 Bwa tiaki nanomi nako nanou nako, ao tiaki naba arou nako aromi nako, bon ana taeka Iehova. Bwa aroni karawa ngkae e rietata riki nakon aontano, ao aiaron naba arou nako, bwa a rietata riki nakon aromi nako, ao nanou nako nakon nanomi nako.

1. Titebo aroaron te Atua ni iango ma aroia aomata ni iango
A. Eng
B. Tiaki
2. Araoiroi riki aia iango aomata nako ana iango te Atua?
A. Eng
B. Tiaki



Ataei aika uarereke akea irouia te rabakau ao te atatai n aiaroia ikawai. Bwa inanon rikirakeia ao a tabe n reiakini bwai aika bati ibukin te atatai ma te wanaweana. Ao aiarona naba bwa tiaki bungiaiki ma te atatai ao te rabakau ibukin atakin ana kawai te Atua ibukira. Ao anne bukina ae ti riai ni kamatebwai n ana taeka te Atua ao ni maiu iai n aki toki.

Aomata ana bon aki kona ni karekea te wanawana ao te rabakau ma te atatai are mai iroun te Atua. Ma ngaia are aomata ake a ota, a tangiria ni kakukureia te Atua ao a teimatoa n tauraoui n bita aroia ni iango bwa aonga ni katotonga aron te Atua, ao riki karaoan aia kabanea ni kona ni karaoa are tangiria te Atua ni kaineti ma ana taeka.


1. B 2. B

Jeremia 10:23

I ataa kawain te aomata bwa e aki mena inanona: tiaki ana bwai te aomata ae nakonako te kaetieueutakina.

3. Ngkana akea te Atua e kona te aomata ni kaeta kawaini maiuna

- A. Eng
- B. Tiaki



Ngkana tina mwananga nakon te aba teuana ae ti tuai men roko iai mai mwaina, ao tina boni kainanoa te mwabe n te aro bwa tina kona ni ira raoi te kawai nakon te aba anne.

N te maiu n Tamnei ao e riki te Bwaibara bwa ara mwabe. Bwa ngaia ngkanne ae ti kainanoia bwa e na kairira ni kaota te kawai ae riai ao e boraio ma nanon te Atua. Bwa bon ti ana taeka ae te Bwaibara ae iai inanona bwai ni kabane aika ti kainanoi ibukin kakukureian te Atua ao ibukin kaetan kawaira nako karawa.



Taekan Rabakau 14:12

Iai te kawai ae taku te aoamta bwa e riai, Ao tokina boni kawai aika nako te mate.

Nataba ao Abiu a taekinaki taekaia bwa kanga katoto ibukin te reirei aei.

Nakoia Ibonga 10:1-2

Ao Nataba ma Abiu, ake natin Aron, anai aia baan ni kabuoki karea aika boiarara n tatabemania, ao a karina te ai inanoia nako, ao a katoka te karea are boiarara iaoia ao anga te ai ae aki riai i matan Iehova, ae e aki tuangia. Ao e otinako te ai mai matan Iehova, ao e kania ao a mate i matan Iehova.

Karea: Nnen te ai


Kabuokia: Kamteia

6. Tera te ai are a kabonga Abiu ao Natabu?
 - A. Boni ngaia are tangiria te Atua
 - B. Te ai ae kaokoro
7. Tera ae karaoia te Atua nakoia nakai?
 - A. E kamateia n te ai
 - B. E kamoamoia
8. E mwutiakina aia mwakuri ngke a kabongana te ai ae kaokoro?
 - A. Eng
 - B. E aki

E tuangia Ibonga te Atua bwa ana kabongana te ai ni kabuoki karea man te bwai ni kabuoki karea. Ma e noraki bwa mwane aikai a kabongana te ai ae okoro nnena. Ngaira aomata n ara iango ao akea okoron te ai ao e aki akaka bwa te ai raa ae ti kabongana bwa ti taku bwa e bon eti naba are ti karaoia. Ni bon arona ao te Atua e kaokoro arona ni iango ma aomata.

Te reirei ae moan te raioi ibukira bwa ngkana ti bita aron neboan te Atua ma bwai riki tabeua ao te Atua e bon aki butimwai aro akanne. Te ongotaeka ni koaua boni karaoan are taku te Atua ao akea riki.


4. E bon eti man riai ana iango te aomata n tainako?
 - A. Eng
 - B. Tiaki
5. E kona ni bua ke ni bure kawain te aomata are e iangoia?
 - A. Eng
 - B. Tiaki



4. B. 5. A. 6. B 7. A 8. A

Taeka n Rabakau 3:5-6

5 Ko na onimakina Iehova n nanom ni kabanea. Ao tai mwiokoa oin am ataibwai 6 Ko na ataia n nakonakom ni kabane, ao E na kaeti kawaim.



Tera are e riki nakon Uta e kaota raoi te koaua.

Ataia: Kina raoi

9. Antai ae tina riai n onimakinna?
 - A. Te Atua
 - B. Aomata
10. Ngakana ti onimakina te Atua ti riai ni mwioko n ara ataibwai?
 - A. Eng
 - B. Tiaki
11. E na kanga ni kaerti kawaira te Atua?
 - A. Ngkana ti ira nanona ni bwai ni kabane
 - B. Ngkana ti ira nanona ni bwai taboo

1 Rongorongo 13:9-11

9 Ao ngke a roko n te nne ni kaki kunin uita are i Kiton, ao e arora baina Uta bwa e na taua te aati; bwa a tatatata kao. Ao E ura unin Iehova nako Uta, ao E oroia, bwa kiaina ngke e arora baina nakon te ati, ao e mate iai i matan te Atua. Ao e un Tawita, bwa kiaina ngke bwakara Uta Iehova; ao e arana te tabo are bwa Bereti-uta ni karokoa te bong aei.

Rimwi, Tawita e nora ana taeka te Atua ao e ataia bwa aki riai ni katoka te ati iaon te kaa ma ana uouotia (15:1-12)

1 Rongorongo 15:13-15

13 Bwa ngke kam aki amoia rimoa, ao E karaoa te uruaki Iehova ae Atua iaora, bwa kiona ngke tiaki ukoukoria ni 14 kakairi n te tua n tabutabu. Ma ngaia are a tabuia ibonga ma tibun Rewi ni kaitiakia bwa ana amoia rake ana 15 ati Iehova, ae Atuaia Iteraera. Ao tibun Rewi amoia ana ati te Atua iaon angaia ni kain amo iaoia, n aiaron are tua Mote ni kakairi n ana taeka Iehova.

E bon tia n tuangia te Atua ni Warekaia Iteraera 4:15 bwa ane e ringi baika tabu ao ana boni mate.

12. E aera ngke e na ring ate ati Uta?
 - A. Bwa e kawa nib waka te ati mai ioan te kaa
 - B. E kan ataia bwa aekakira nakinan ringana
13. Tera bukina bwa a uota te ati n te aro ae bure?
 - A. Aki wareware ni kakaea aron uotana ae riai mai iroun te Atua
 - B. A bon tangiria ni karaoa ae bure
14. Ao ngkai a bon aki ata buren te bwai are a karaoia, ma ngaia are Uta e kataia ni karaoa ae taku bwa e raioi. Ma tera ae karaoia te Atua?
 - A. E baka n aki nor ate bure
 - B. E katuaea Uta n aiaron are taku n te tua



Ti na tai taku bwa ti ongtaeka iroun te Atua ngkana ti akia ta ana taeka. E aki kona ni kaeti taekan ara bure te Atua ngkana ti akia ta ana tua. E a tia ni ni koreaki ao ti kona ni warekia

9. A 10. B 11. A

12. A 13. A 14. B

Warekaia Iteraera 20:7-12

7 Ao E taetae Iehova nakon Mote ni kangai, Ko na ana te kai ane iririki, ao bota te botaki, ngkoe, ma Aaron ae tarim, ao kam na taetae nakon te bwa arei i mataia, bwa e na katinakoa ranna; ao ane ko na katinakoa te ran mai nanon te bwa nako ia: ao ai ngaia anne arom ni kamoia te botaki ma aia man nako. Ao Mote e ana te kai arei mai matan Iehova, n airon tuangana i Rouna. Ao Mote ma Aaron a bota te botaki inanoan te bwa arei, ao e taku Mote nako ia, Kam na ongora ngakai, aika tan kakarabakau n rawa; ti na katinakoa te ran mai inanon te bwa aei nako imi? Ao e katea baina Mote, ao e kauoua orea te bwa n ana kai: ao e bati n tinako te ran, ao e moi te botaki ma aia man nako. Ao E taku Iehova nakoni Mote ma Aaron, ngkai kam aki onimakinai, ni kan tabuai i mataia tibuni Iteraera, ao kam na aki kaira te botaki aei nakon te aba are I angania

Tabuia: Kaitiakia

Mwaiti kurikuri: Bubura
mwaitini botana



A na teaka te Atua are e aki ira nanona Mote ke n aki karinea bwa e aki karaoa nanona Mote, kanga airon naba kakean bonganana e bit ate bwai are tuangaki nakon are e aki tuangaki. Ao aio kanga bon ti tebo nanona ma aki onimakinan te Atua.


Te ongotaeka nakon bwanan te Atua ao karaoan raio nanona n te aro n onimaki, bwa ngkana e boni karaoaki raio nanon ana taeka ao anne are e kinaki iai ara ongotaeka ni bwanan te Atua. Karaoan riki bwai tabeua boni kaotan te aki ongotaeka.

15. Ni kibu aikai, tera ae taku te Atua nakon Mote ibukin kaotinakoan te ran?
A. Taetae nako te bwa
B. Ore ate bwa
16. Tera ae karaoia Mote ni kaotinakoa te ran?
A. Taetae nakon te bwa
B. Ore ate bwa
17. Imwin orea te bwa iroun Mote n onea mwin are e tuangaki bwa e na kataetaea, ao e tuanga Mote ma Aaron bwa aki onimakinna?
A. Eng
B. Tiaki
18. E katuaaia Mote ma Aaron te Atua ibukina ngke a ore ate bwa?
A. Eng
B. Tiaki
19. E raioiroi ngkana ti bita te bwai are tuangira te Atua bwa tina karaoia?
A. Eng
B. Tiaki

15. A 16. B 17. A 18. A 19. B

2 Rongorongo 26:1, 4, 16-21

1 Ao a bane aomatan Iuta ni wetea Utia, ao tebwi ma onoua ana ririki, ao a kaua n ruamwin tamana are amatia. 4 Ao a kakaraoa ae riai i, matan Iehova n aiaron bwai ni kabane ake e kakaraoi Amatia are tamana. 16 ao ngke e korakora ao e karietataki nanona, ao e karaoa ae buakaka iai, ao e bure nakon Iehova ae Atuana; bwa e rin inanon mwaneaban Iehova bwa e na kabuoka te karea are e boiarara iaoni baon te karea are e boiarara. 17 ao ataria are te ibonga e rin n rimwina, ao raona waningaun ibongan Iehova, aika aomata aika 18 ninikoria: ao tei n eka nako Utia are te uea, ao a taku nako ina Utia, tiaki nakoam te kakabuoki karea aika boiarara nakon Iehova, ma bon nakoia ibonga ake tibun Aaron, aika tabuaki bwa ana kakabuoki karea aika boiarara: otinako man te tabo ae tabu: bwa ko bure ao e na aki reke naba karineam iai mai iroun Iehova ae te Atua. 19 Ao e un Utia: ao iai te mwangko inanoni baina bwa e na kabuoki karea aika boiarara, ao ngke e un nako ia ibonga, ao e oti te rebera i ramwana i mataia ibonga ni maneaban Iehova, irarikin baon te karea are boiarara. 20 Ao Ataria are mataniwia ibonga, ma ibonga ni kabaneia, a tarataraia, ao noria, e rebera ramwana, ao a butuia nako mai iai ni barekia, ao ngaia e barekia naba n otinako, bwa kiaina ngke E oroia Iehova, 21 ao Utia are te uea bon te rebera ni karokoa ana bongi ni mate, ao e mamaeka inanon te auti ae kaokora, ngke te rebera, bwa e teweaki nako mani mwaneaban Iehova.



E boni ngaie ngke Utia te uea ao te aomate ae raoroi, ma bon tiaki ngaia te tia kabuoki karea aika boiarara nakon Iehova. Te ongotaeka ni koaua ae tangiria te Atua boni karaoan nanaona are tangiria bwa e na kaira aron neboana.

Te aro n aeka nako te tua:

Riaoran ae bon tau man riai

Teimatoa: Nene ni matoatoa

Tabuia: Kaokoroa

Rawekai: Kawaekoa

Katawe : Kataenoa

Terebera: Aorakin te rabwata ae kakamaku



20. Te aomata ae raoroi Utia?
 - A. Eng
 - B. Tiaki
21. Ao e nakea?
 - A. E nako n te bareti
 - B. E nako n te tembora
22. E aera ngkai e nako iai?
 - A. E na tataro
 - B. E na anga karea
23. Boni ngaia te tia karaoa te mwakuri anne?
 - A. Eng
 - B. Tiaki
24. Tera ae karaoia te Atua nako ina?
 - A. E riki bwa te rebera
 - B. E kakabwaiaa

20. A 21. B 22. B 23. B 24. A


I-Rom 10:1-2

1 Tariu, aio ae tangiraki inanou ao au tataro nakon te Atua ibukia Iteraera bwa ana kamiuaki, 2. Bwa I kaotiotia bwa boni iai tangiran te Atua ae korakora irouia, ma tiaki aron te atatai.

Bwakn nanoia: Te bwai teuana are kanga a rangi n tangiria

Te tangira ae matoatoa: Korakorani kimwarerein te nano

25. Iai tangiran te Atua ae korakora irouia aomata aikai?
 - A. Eng
 - B. Akea
26. E boboto mani kaineti tangiran te Atua ma te atatai ni koaua?
 - A. Eng
 - B. Tiaki
27. Akaman tia ni kamaiuaki ke e tangira Bwauro bwa ana kamaiuaki?
 - A. A tia ni kamaiuaki
 - B. E tangiria Bwauro Bwa ana kamaiuaki



Te aine temanna e tainingamaru ni boboti ao ni babarongai bwaai nakon nneia aika kakaokoro, n te aro bwa e na bebete irouna anakin are kainanoia. Tabeman ataei a tangiria ni kan buokia ao a bane n anai ana bwai ni booti inanon ana baeki. N aia iango a rangi ni ibuobuoki, ma e bon aki raoiroi, a bon aki raoi kaetii nnen ana bwai.



E boni kona naba n riki aei inanon aaro. Ngke aomata a karaoi mwakuri ibukin te Atua, ma a bon aki ongotaeka ngkai te mwakuri are a karaoia e bobuaka ma are e tangiria te Atua,

Bwa Iesu e taekini aroia aomata aikai ni bongin te motiki taeka n te boki ae Mataio 7

Nora te iteranibaa are imwina n warekia

25. A 26. B 27. B

Mataio 7:21-23

21 Aki bane n rin n uean te Atua akana kangai nako Iu, Te Uea, te Uea; ma e na rin iai ane taua ana taeka tamau are i karawa. Ane ana kangai nako Iu aomata aika bati n te bong arei, Te Uea, te Uea, tiaki ti taetae ni burabeti n aram? Ao tiaki ti kanakoia taimonio n aram? Ao tiaki ti karaoi kakai aika bati n aram? Ao Ngai n na taku nako ia, I bon akia tai ngkami ma ngkoa: nako mai Rou, ngkami aika kam kakaraoa ae buakaka.

Taetae ni burabeti:
Taetae n aiarioia burabeti

Te bure: Uruakan te tua

28. A na roko I karawa akana a ti wetea arani Iesu n te bong arei?
A. Eng
B. Aki
29. N te kibu 22 a kakoaua aomata aikai bwa a kakaraoi mwakuri aika raioiroi ibukin Iesu?
A. Eng
B. Aki
30. Tera ae tuangia aomata aikai Iesu?
A. Ana rin i karawa
B. Nako mai Irou
31. Antai aika ana rin ni uaeon te atua?
A. Aomata ake a karaoi bwai tabeua ibukin te Atua
B. Aomata ake a ira nanon te Atua
32. Mwaitira aomata aika e tuangia Iesu bwa ana nako mai Irouna?
A. A bati
B. Tabeman



A mwaiti aomata aika a na mimi n te bongi ni motiki taeka bwa a na nako moone ibukina bwa a kakoauai bwai ni kabane ake a tia ni karaoi iaon te aba bwa a bane n eti.

Ma, Iesu e bon taekinna mani kabwarabwara raoi bwa te aomata are karaoa are taku te Atua bwa e aonga n roko i karawa. Ao aio bukina ngkai te wareware ao te kamatebwai n ana taeka te Atua e rangi ni kakawaki. Ti kona ni kakauongo n taian reirei ao kabwarabwara mai irouia aomata n ana taeka te Atua ma e bon riai bwa iai taekaia n te bwaibara, n te aro bwa ti na kakoaua raoi bwa ti ira ana taeka te Atua. Ao tiaki aia reirei aomata.

28. B 29. A 30. B 31. B 32. A

1 Rongorongo 17:1-4, 6

1 Ao ngke e maeka Tawita inanon ana auti, ao e taku Tawita nakon Natan are te burabeti, Noria, I maeka inanon te auti ae te tira, ma e memena atin ana berita Iehova iaan roki. Ao e taku Natan nakon Tawita, ko na akraoi bwai ni kabane ake i nanom bwa e memena Iehova iroum. Ao n te bongi naba arei e bong, ao e roko ana taeka te Atua iroun Natan ae kangai, nako tuanga tawita are au toro ae kangai, e kangai ana taeka Iehova, ko na aki katea maneabau bwa N na maeka inanona:

6 N taabo ni kabane ake I nakonako iai ma Iteraera ni kabeneia, ao I a tia, ke I tuai, n atonga te taeka teuana nakon temanna ibuakia aia tia motiki taeka Ietraera, aika I tuangia bwa a n ariki bwa taani kawakinia au aomata ngkai kanga tiibu ngaia, ni kangai, Bukin tera ngke ka maki kamni katea mwaneabauae te tira?

Ngkana natim e uotinakoi tabeua am mwane nakon te titoa, ao e kaboa te raiti, kanga e tara ni karaoa te bwai ae tamaroa, ma tiaki nanona bwa e ongotaeka iroum ibukina ngkai bon akea am taeka ae ko tuangnga bwa e na kaboa te raiti. Ni maiura n aomata ao te aki ongotaeka n aiaron aio kanga tiaki te kanganga. Ma n te reirei n te bwaibara e bon aki riai.

33. Tera ae tangiria tawita bwa e na katea?
A. Ana auti ae bubura riki
B. Te auti ibukin te Atua
34. Tera ae taku te burabeti are Natan nakon Tawita?
A. Nako katea te auti
B. Tataninga bwa tina ongo ae taku te atua
35. Tera ae taku te Atua ibukin katean te auti?
A. Nako ao katea
B. Tai katea
36. E aera ngkai e taku te Atua bwa e naki kateaki?
A. Ibukina bwa bon akea te bwai ae atonga
B. Ibukina bwa e aki tangira Tawita

Bwa ngkana ti na ongotaeka iroun te Atua ao ti riai ni karaoi baike ti konai ni wareki ngkai a ni koreaki inanon ana taeka, tiaki man ara iango ake ti bon taku bwa e raoiroi karaoana ao tia karaoia naba. Bon tiaki te ongotaeka aio ae tangiria te Atua. Bwa n airon taekani kibu aikai ao e noraki bwa akea te bwai teuana ae ti riai ni karaoia ngkana bon akea te bwai ae E atongnga.



33. B 34. A 35. B 36. A

Man ana taerka Kristo ae kangai:

1 I-Korinto 4:6

. . . Bwa kam na tai riaon baike a koreaki . . .